



CONCELLO DE REDONDELA

CONVENIO DO CONCELLO DE REDONDELA COA ASOCIACIÓN SOLIDARIEDADE GALEGA CO POBO SAHARAHUI

En Redondela, 28 de decembro de 2015

REUNIDOS

Dunha parte o Alcalde do Ilmo. Concello de Redondela, Don Javier Bas Corugeira, na representación que ostenta en virtude dos artigos 21.1 b) da lei 7/85, de 2 de abril, Reguladora das Bases de Réxime Local.

Doutra, Don Emilio Ángel Portela Bouzas con DNI 35997182 C e enderezo Estrada de Valladares, 143, 36315 Vigo, correo electrónico milucho52@yahoo.com que ostenta a representación para Redondela da Asociación Solidariedade Galega co Pobo Saharahui con CIF G 15924558, correo electrónico asociacionsogaps@yahoo.es e enderezo na rúa Gregorio Espino, 57, baixo, 36205 Vigo, cuxa representación manifesta neste acto.

Ambos recoñécense capacidade, representación e poder suficiente para subscribir o presente convenio, polo que a tal efecto.

EXPOÑEN

PRIMEIRO.- Que o Concello de Redondela ten competencia en materia de prestación da protección da salubridade pública; na participación na xestión da atención primaria da saúde; así mesmo a prestación de servizos sociais; todo elo segundo establecen as disposicións transitorias primeira e segunda da lei 27/13, de 27 de decembro, de racionalización e sostibilidade da Administración Local e o artigo 3 e disposición adicional cuarta da Lei 5/2014, de 27 de maio, de medidas urxentes derivadas da entrada en vigor da lei 27/13, de 27 de decembro, de racionalización e sostibilidade da Administración Local.

SEGUNDO.- Que a Asociación Solidariedade Galega co Pobo Saharahui ten como fin o de proporcionarlles unha estancia agradable e humanamente rica ás/ós nenas/os saharauis. Para elo, o programa de vacacións en paz ten coma obxectivos entre outros:

- Facilitar asistencia médica e de alimentación.
- Perfeccionar a aprendizaxe das linguas galega e castelán.
- Ofertar unha alternativa de ocio e tempo libre a nenas/os nados nun clima de guerra.
- Coñecer distintas formas de vida.
- Evitar a súa estancia nos campamentos durante os meses de xullo e agosto por teren máis altas as temperaturas.



CONCELLO DE REDONDELA

Que sendo os obxetivos sinalados de marcado interese público e social, é propósito de ámbalas dúas partes colaborar na consecución e logro das mesmas polo que subscriben o presente convenio con arranxo ós seguintes

ANTECEDENTES

PRIMERO.- Que a Asociación Solidariedade Galega co Pobo Saharahui presenta:

a) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.

b) Certificación de estar ó corrente coas obrigas tributarias e coa Seguridade Social.

Declaración responsable respecto a a obriga contida no artigo 25 do Real Decreto 887/2006, de 21 de xullo, polo que se aproba o Regulamento da Lei 38/2003.

c) Declaración responsable de non ter solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total

SEGUNDO .- A Asociación Solidariedade Galega co Pobo Saharahui ven desenvolvendo ó longo destes anos actuacións relacionadas coas/os nenas/os saharauis buscando o seu mellor desenvolvemento. Esta actividade vai redundar en beneficio da/os veciña/os de Redondela que van ter a oportunidade de beneficiarse de ditas actividades.

Debido ás características singulares e propias desta labor non é posible encadrar esta subvención dentro dun procedemento de concesión de subvencións de concorrencia.

En virtude do anteriormente exposto, o Concello de Redondela e a Asociación Solidariedade Galega co Pobo Saharahui acordan subscribir un convenio de colaboración con base nas seguintes:

CLÁUSULAS

PRIMEIRA.- Que a Asociación Solidariedade Galega co Pobo Saharahui está interesada en recibir un patrocinio por parte do Concello de Redondela co obxecto de poder sufragar parte dos gastos que implica a prestación das actividades que prestan ás/aos nenas/os saharauis. Patrocinio que se encadra dentro da xa extensa labor, dentro das súas posibilidades, que se realiza por parte do Concello no ámbito da prestación de servizos no ámbito dos servizos sociais e da sanidade.

SEGUNDA.- Que o Concello de Redondela está interesado en mellorar e promover un servizo que axuda a nenos e nenas cunha situación difícil, todo elo dentro das competencias do Iltmo. Concello de Redondela que se recollen na lexislación xa citada no primeiro expoñendo.

TERCEIRA.- Tal como se esblece no punto anterior, estando o Concello de Redondela interesado na promoción da devandita actividade de servizos sociais, e como se di na



CONCELLO DE REDONDELA

exposición segunda, tendo a realización das diversas actividades unha importante repercusión nun ámbito importante da veciñanza da vila. É por elo que se demostra deste xeito e interese social polo que o Concello de Redondela ven de decidir de asinar un convenio coa Asociación Solidariedade Galega co Pobo Saharahui.

Así, no Orzamento aprobado polo Pleno do Ilmo. Concello de Redondela o 18 de febreiro de 2014 e publicado o 25 de marzo de 2014 no Boletín Oficial de la Provincia, prorrogado par ao ano 2015, recóllese aplicación orzamentaria para o outorgamento da subvención. A 2311A/480.03. Con posterioridade e por Resolución de Alcaldía de data 28 de decembro de 2015, aprobouse outorgar unha subvención por importe de 2.670 € (DOUS MIL SEISCENTOS SETENTA EUROS) a cal articularase, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.

CUARTA.- A Asociación Solidariedade Galega co Pobo Saharahui comprométese a seguir realizando as actividades antes mencionadas, como ata agora o veñen facendo e en concreto a:

- a) Facer un seguimento exhaustivo do proxecto conxuntamente coa Delegación Saharai para Galicia para que todos os compromisos se cumpran.
- b) A Asociación e a Delegación estará á disposición do Concello de Redondela e das familias para asesoralo e axudar a resolver os problemas que poidan xurdir.
- c) A Asociación deberá ter organizada unha xuntanza de convivencia entre as/os nenas/os saharais e as familias acolledoras.

QUINTA.- Así mesmo comprométese a cumprir coas obrigas dos beneficiarios establecidas na lexislación aplicable que se recollen como anexo deste convenio e en especial a a portar facturas ou documentos substitutivos de facturas, orixinais ou debidamente compulsadas, polo menos, polo importe de 2.670 € (DOUS MIL SEISCENTOS SETENTA EUROS) co obxecto de verificar que a actividade desenvólvese e que o importe concedido non supera o custe das actividades desenvolvidas. Así mesmo, a xustificación so se poderá referir a gastos realizados para sufragar o obxecto deste convenio e que ademais estean efectivamente pagados con anterioridade á xustificación da subvención, salvo nos casos dos pagamentos a conta. No caso de que ó finalizar o prazo para a xustificación, non se xustificara a totalidade da subvención procederáse automaticamente á anulación da subvención polo non xustificada.

As facturas que se presenten para a xustificación deberán ser emitidas conforme ó establecido legalmente no Real Decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas. Os gastos xustificadas non poderán ter o carácter de investimento. No caso de que se presenten copias das facturas, aparte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello onde se faga constar que a factura utilizouse para xustificar unha subvención.



CONCELLO DE REDONDELA

En caso de que a xustificación se realice mediante documentos substitutivos de facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non este conforme coa xustificación requirirá a Asociación Solidariedade Galega co Pobo Saharahui a a que presente outra xustificación de acordo co establecido na lexislación pertinente.

Se a xustificación non alcanza a cantidade mínima necesaria para realizar o pago da cantidade concedida, esta reducirase proporcionalmente á cantidade xustificada.

Os libramentos dos fondos realizarase a medida que se vaia xustificando o gasto.

O prazo máximo para a xustificación será o 30 de decembro.

Así mesmo, coa xustificación da subvención a Asociación Solidariedade Galega co Pobo Saharahui deberá presentar:

1. Memoria detallada da actividade realizada, en que consistiu, e o número de participantes na actividade.
2. Que as facturas se axustan á finalidade recollida no convenio.
3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.
4. Certificado de atoparse ó corrente das súas obrigas tributarias co Concello de Redondela.
5. Certificado de atoparse ó corrente no cumprimento das súas obrigas tributarias e fronte á seguridade social.
6. Que non ten solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.
7. Unha certificación de atoparse ó corrente do cumprimento da obriga de reintegro de subvencións.
8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade beneficiaria.

Por último a Asociación Solidariedade Galega co Pobo Saharahui comprométese a non participar na concesión de subvencións que podería outorgar o Ilmo. Concello de Redondela conforme ás Bases de subvencións aprobadas no seu día pola Alcaldía ou órgano competente mentres dure a vixencia deste convenio pola mesma actividade que se recolle neste documento.

SEXTA.- O Concello de Redondela responsabilízase de :

- Derivar a través da Concellería de Servizos Sociais, Muller e Igualdade usuarias/os a cando estas/es reúnan os requisitos exixidos para a súa admisión.
- Tramitar a xustificación que presenta no seu momento a Asociación.

SÉTIMA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración ou ente



CONCELLO DE REDONDELA

público ou privado, nacional, da Unión Europea ou de organismos internacionais, salvo as outorgadas polo Concello de Redondela. A sinatura do presente convenio suporá o recoñecemento por parte da representante da Asociación Solidariedade Galega co Pobo Saharai de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividades a desenvolver polo beneficiario.

OITAVA.- O corpo normativo aplicable estará formado por:

- A Lei 38/2003, de 17 de novembro, Xeral de Subvencións.
- A Lei 9/2007, de 25 de xuño, de subvencións de Galicia.
- O Real Decreto 887/2006, de 21 de xullo, polo que se aproba o Regulamento da lei 38/2003.
- Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.
- A Ordenanza Xeral de subvencións do Concello de Redondela.
- As Bases de Execución do Orzamento do Ilmo. Concello de Redondela.
- Con carácter supletorio o Dereito Administrativo.

NOVENA.- A Asociación Solidariedade Galega co Pobo Saharai queda expresamente comprometida/o e coñece todo o establecido nos títulos II, III e IV da Lei 38/2003, de 17 de novembro, Xeral de Subvencións referidas ó reintegro de subvencións, contro financeiro de subvencións e infraccións e sancións administrativas en materia de subvencións.

DÉCIMA.- Este Convenio ten carácter administrativo.

Conforme co mesmo o firman as persoas e no lugar e data arriba sinalados por triplicado exemplar.

O Alcalde do Concello de Redondela

Asdo: Javier Bas Corugeira

O representante da Asociación
Solidariedade Galega co Pobo
Saharai

Asdo: Emilio Ángel Portela Bouzas